

Årsoppgjer 2020

Modalen Kraftlag SA



Org. Nr. 877051412

MODALEN KRAFTLAG SA

Årsmelding 2020

STYRET:

Vibeke Thorsen(leiar)
Jan Arild Steinsland (nestleiar)
Marianne Tepstad (styremedl.)
Torbjørn Aas (styremedl.)
Bjørn Helland (tilsett)

Det er halde 4 styremøter i 2020 og det er handsama 37 saker.

DRIFTSPERSONALET/ADMINSTRASJON

Maskinmeisterass./montør:	Stian Steinsland 100%
Maskinmeisterass./overmontør:	Bjørn Helland 100%
Maskinmeister/overmontør:	Knut Helland 100%
Rekneskap/sekretær:	Aud Marit B. Bergo 60%
E-verk sjef:	Per Bjarte Hanstveit(innleigd)

Det har vorte gjennomført lønnsreguleringar i 2020.

PRODUKSJON

Det har vore normal produksjon.

Inntekta på tilf. kraft var kr 827 128 i 2020,- mot kr 3 061 733,- i 2019.

Kraftlaget har ikkje hatt nokon fastavtale for kraft i 2020.

Produksjonen vert seldt til spotpris. Spotprisen varierar frå dag til dag og har vore låg i heile 2020.

Det var ein snitt pris på 12,2 øre/kWh.

KRAFTSTASJONAR

Produksjonsmessig har det våre eit greit år med ein produksjon på 8,7 GWh i 2020. Til samanlikning vart det produsert 7,77 GWh i 2019. Prisane har våre dårlege, året sett under eitt.

Hellandsfoss

Anlegget har produsert 7,5 GWh i 2020

Budalselva

Anlegget har produsert 1,2 GWh i 2020

NYBYGG

Høgspend 22kv

Linje Mo(Otterstad) ferdig strekt 25.08.20. Det er utført 3 stolpeskift linje Nygard og 1 stolpeskift linje Steinsland pga for liten høgde veg og hakkespetthol.

Lågspend

Det er bygd ny 400V linje til 4G sender Nygard for Telenor.

VEDLIKEHALD

Veglys

Vedlikehald av lamper. Har og hatt noko vedlikehald på høg og lågspendte linjer.

AMS MÅLARAR

Her har det vore svært mykje jobb i år og. Det har våre tidkrevjane då det er svært mange målere me ikkje får kontakt med. Det er 128 stk me ikkje får kontakt med, hovedsakeleg på Krossen Nygard.

Det har våre forsøkt bytt modem i fleire uten at det har vorte noko betre. Problemet er at modema har telia simkort i modema og kobler seg ikkje lika lett opp på Telenor fordi om dei eigentleg skal dette uten problem.

KJØP OG SAL AV KRAFT

Kraftlaget kjøper konsesjonskraft frå BKK for sal til abonnentane.

I 2020 er det seldt 7,6 Gwh til abonnentane. Det er kjøpt inn 8,9 Gwh kraft. Dette gir et tap på 9,9 %.

Normalt vil nettapet ligge mellom 5-12 %.

INVESTERING

REKNESKAP/ØKONOMI/FAKTISKE TILHØVE

Normal produksjon og dårlege straumprisar, i kombinasjon med høge vedlikehaldsutgifter, gjer at Modalen Kraftlag SA går med underskot i 2020. Underskotet aukar på grunn av meirinntekt. Samla underskot for 2020 er kr 2 913 261.-. 2021 teiknar til å bli betre, men er sær avhengig av straumprisen. Grunnlag for vidare drift er til stades.

LIKESTILLING

Av selskapets tilsette er det 3 menn og 1 kvinne. Styret er samansett av 3 menn og 2 kvinner. Selskapet har ein policy som tek sikte på at det ikkje skal forekomma forskjellsbehandling grunna kjønn.

ÅRSMELDING

Verksemda driv med kraftomsetning, kraftproduksjon og kraftoverføring. Verksemda si aktivitet er retta mot innbyggjarane og industrien i Modalen kommune, og god eigenproduksjon av kraft. Verksemda sin økonomi er god, då det er ein fast kundemasse og god eigenproduksjon.

Årsregnskapet og årsmelding for 2020 for Modalen Kraftlag SA er satt opp under føresetnad av fortsatt drift. Utsiktene for 2021 vurderast som gode. Styret meiner at arbeidsmiljøet og den generelle trivsel på arbeidsplassen er god. Ein reknar ikkje med at verksemda medfører skade på det ytre miljø.

MEIR/MINDREINNTEKT

NVE fastset kvart år ei inntektsramme for kor mykje selskapet kan ta betalt for overføringstenester. Denne inntektsramma var 3 182 000 for 2020. Selskapet hadde ein meirinntektsaldo på kr 1 412 034 pr 01.01.2020. Selskapet har hatt kr 42 701 i mindreinntekt i 2020, slik at meirinntektsaldoen var kr 1 369 333 pr. 31.12.2020. Driftsresultat på nettverksemda er kr 280 000. Avkastingsgrunnlaget er 14 358 000. Avkastinga er dermed 1,95%.

Modalen, den 19.08.2021

Vibeke Thorsen

Vibeke Thorsen
Styrets leiar

Jan Arild Steinsland
Bjørn Helland

Jan Arild Steinsland
Styrets nestleiar

Bjørn Helland
Styremedlem

Marianne Tepstad

Marianne Tepstad
Styremedlem

Torbjørn Aas

Torbjørn Aas
Styremedlem

Resultatregnskap

Modalen Kraftlag SA

Driftsinntekter og driftskostnader	Note	2020	2019
Salgsinntekt	9	5 486 654	7 738 799
Anna driftsinntekt	12	1 029 177	426 304
Sum driftsinntekter		<u>6 515 831</u>	<u>8 165 103</u>
Varekostnad		2 270 278	1 916 432
Endring varelager		-96 794	10 325
Lønnskostnad	4, 6, 11	2 511 336	2 501 126
Avskrivning på driftsmidler	1	1 459 927	1 390 973
Anna driftskostnad	6	3 339 040	3 419 980
Sum driftskostnader		<u>9 483 787</u>	<u>9 238 837</u>
Driftsresultat		<u>-2 967 956</u>	<u>-1 073 734</u>
Finansinntekter og finanskostnader			
Anna finansinntekt		806	0
Anna finanskostnad		35 171	47 785
Resultat av finansposter		<u>-34 365</u>	<u>-47 785</u>
Ordinært resultat før skattekostnad		-3 002 322	-1 121 519
Skattekostnad på ordinært resultat	8	-89 061	33 092
Ordinært resultat		<u>-2 913 261</u>	<u>-1 154 611</u>
Årsresultat		<u>-2 913 261</u>	<u>-1 154 611</u>
Overføringer			
Avsett til anna egenkapital		-2 913 261	-1 154 611
Sum overføringer		<u>-2 913 261</u>	<u>-1 154 611</u>

Balanse

Modalen Kraftlag SA


Eigedelar	Note	2020	2019
Anleggsmidler			
Immaterielle eigedelar			
Konsesjonar	1, 13	1 011 582	1 011 582
Sum immaterielle eigedelar		<u>1 011 582</u>	<u>1 011 582</u>
Varige driftsmidler			
Tomtar, bygningar og anna fast eigedom	1	1 451 022	1 584 695
Maskiner og anlegg	1	11 823 737	12 690 585
Driftslausøyre, inventar og anna utstyr	1, 7	859 675	1 006 983
Sum varige driftsmidler		<u>14 134 434</u>	<u>15 282 263</u>
Finansielle anleggsmidler			
Andel KLP		134 431	123 798
Sum finansielle anleggsmidler		<u>134 431</u>	<u>123 798</u>
Sum anleggsmidler		<u>15 280 447</u>	<u>16 417 642</u>
Omlaupsmidler			
Lager av varer	3	904 498	807 704
Fordringar			
Kundefordringar	2, 7	1 972 682	2 816 059
Andre kortsiktige fordringar	2	128 376	12 795
Sum fordringar		<u>2 101 058</u>	<u>2 828 854</u>
Bankinnskot, kontantar o.l.	10	654 144	1 577 965
Sum omlaupsmidler		<u>3 659 699</u>	<u>5 214 522</u>
Sum eigedelar		<u>18 940 146</u>	<u>21 632 165</u>


Balanse


Modalen Kraftlag SA

Eigenkapital og gjeld	Note	2020	2019
Innskoten eigenkapital			
Andelskapital	5	87 000	87 000
Sum innskoten eigenkapital		<u>87 000</u>	<u>87 000</u>
Opptent eigenkapital			
Anna eigenkapital		14 161 334	17 074 594
Sum opptent eigenkapital		<u>14 161 334</u>	<u>17 074 594</u>
Sum eigenkapital		<u>14 248 334</u>	<u>17 161 594</u>
Gjeld			
Langsiktig gjeld			
Gjeld til kredittinstitusjonar	7	1 710 017	1 015 690
Anna langsiktig gjeld	7	260 027	297 367
Sum anna langsiktig gjeld		<u>1 970 044</u>	<u>1 313 057</u>
Kortsiktig gjeld			
Leverandørgjeld		969 445	1 428 554
Betalbar skatt	8	27 603	33 232
Skyldig offentlige avgifter		-47 233	25 340
Anna kortsiktig gjeld		1 771 954	1 670 387
Sum kortsiktig gjeld		<u>2 721 769</u>	<u>3 157 513</u>
Sum gjeld		<u>4 691 813</u>	<u>4 470 570</u>
Sum eigenkapital og gjeld		<u>18 940 146</u>	<u>21 632 165</u>

Modalen
Styret i Modalen Kraftlag SA


Vibeke Thorsen
styreleder


Jan Arild Steinsland
nestleder


Marianne Tepstad


Torbjørn Aas


Bjørn Helland

MELDING FRÅ UAVHENGIG REVISOR

Til årsmøtet i Modalen Kraftlag SA

Fråsegn om revisjonen av årsrekneskapen

Konklusjon

Vi har revidert Modalen Kraftlag SA sin årsrekneskap som viser eit underskot på kr 2 913 261. Årsrekneskapen er samansett av balanse per 31. desember 2020, resultatrekneskap for rekneskapsåret avslutta per denne datoen, og noter til årsrekneskapen, medrekna eit samandrag av viktige rekneskapsprinsipp.

Etter vår meining er årsrekneskapen som følgjer med, gjeve i samsvar med lov og forskrifter og gjer eit rettvísande bilete av selskapet si finansielle stilling per 31. desember 2020, og av resultatata og kontantstraumane for rekneskapsåret som vart avslutta per denne datoen, i samsvar med rekneskapslova sine reglar og god rekneskapsskikk i Norge.

Grunnlag for konklusjonen

Vi har gjennomført revisjonen i samsvar med lov, forskrift og god revisjonsskikk i Noreg, medrekna dei internasjonale revisjonsstandardane (ISA-ane). Våre oppgåver og plikter etter desse standardane er omtala under overskrifta *Revisors oppgåver og plikter ved revisjon av årsrekneskapen*. Vi er uavhengige av selskapet slik det er krav om i lov og forskrift, og har oppfylt dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og formålstenleg som grunnlag for konklusjonen vår.

Ytterlegare informasjon

Leiinga er òg ansvarleg for ytterlegare informasjon. Ytterlegare informasjon betstår av informasjon i årsmeldinga.

Våre fråsegner om revisjonen av årsrekneskapen og om andre lovmessige krav dekkjer ikkje slik ytterlegare informasjonen og vi attesterer ikkje denne informasjonen.

I samband med revisjonen av årsrekneskapen er det oppgåva vår å lese den ytterlegare informasjonen for å vurdere om det er vesentleg inkonsistens mellom han og rekneskapen eller kunnskap vi har opparbeidd under revisjonen, eller om han tilsynelatande inneheld vesentleg feilinformasjon. Dersom vi hadde konkludert med at slik informasjon inneheld vesentleg feilinformasjon, ville vi rapportert om det. Vi har ikkje noko å rapportere i så måte.

Styrets og dagleg leders ansvar for årsregnskapet

Styret og dagleg leiar er ansvarlege for å utarbeide årsrekneskapen i samsvar med lov og forskrifter, derunder for at han gir eit rettvísande bilete i samsvar med rekneskapslova sine reglar og god rekneskapsskikk i Noreg. Leiinga er også ansvarleg for slik intern kontroll som ho finn naudsynt for å kunne utarbeide ein årsrekneskap som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

Ved utarbeidinga av årsrekneskapen må leiinga ta standpunkt til selskapet si evne til å handle fram med drifta og opplyse om tilhøve av betydning for dette. Føresetnaden om at drifta kan halde fram, skal leggjast til grunn for årsrekneskapen så lenge det ikkje er sannsynleg at verksemda vil bli avvikla.

Revisors oppgåver og plikter ved revisjonen av årsregnskapet

Vårt mål er å oppnå tryggjande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av misleg framferd eller feil som ikkje er tilsikta, og å gi ei revisjonsmelding som gir uttrykk for meininga vår. Tryggjande sikkerheit er ein høg grad av sikkerheit, men ingen garanti for at ein revisjon utført i samsvar med lov, forskrift og god revisjonsskikk i Noreg, og ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom han, åleine eller samla, innanfor rimelege grenser kan forventast å påverke økonomiske avgjerder som brukarane tar basert på årsrekneskapen.

Som ein del av revisjon i samsvar med lov, forskrift og god revisjonsskikk i Noreg, herunder ISA-ene, utøver vi profesjonelt skjønn og utviser profesjonell skepsis gjennom heile revisjonen. I tillegg

- Identifiserer og vurderer vi risikoen for vesentleg feilinformasjon i rekneskapen, enten det skuldast mislegheiter eller utilsikta feil. Vi utformar og gjennomfører revisjonshandlingar for å handsame slike risikoar, og innhentar revisjonsbevis som er tilstrekkeleg og hensiktsmessig som grunnlag for vår konklusjon. Risikoen for at vesentleg feilinformasjon som følgje av mislegheiter ikkje blir avdekka, er høgare enn for feilinformasjon som skuldast utilsikta feil, sidan mislegheiter kan innebære samarbeid, forfalsking, medviten utelating, uriktige framstillingar eller overstyring av intern kontroll.
- Opparbeider vi oss ei forståing av den interne kontroll som er relevant for revisjonen, for å utforme revisjonshandlingar som er hensiktsmessige etter omstendene, men ikkje for å gje uttrykk for ei meining om effektiviteten av selskapet sin interne kontroll.
- Evaluerer vi hensiktsmessigheita av nytta rekneskapsprinsipp, og rimelegheita av rekneskapsestimat og tilhøyrande noteopplysningar utarbeidd av leiinga.
- Konkluderer vi på hensiktsmessigheita av leiinga sin bruk av føresetnaden om framleis drift ved avlegginga av årsrekneskapen, basert på innhenta revisjonsbevis, og i kor vidt det føreligg vesentleg usikkerheit knytt til hendingar eller forhold som kan skape tvil av betydning om selskapet si evne til framleis drift. Dersom vi konkluderer med at det eksisterer vesentleg usikkerheit, er det krav om at vi i revisjonsmeldinga rettar merksemda på tilleggsopplysningane i årsrekneskapen, eller, dersom slike tilleggsopplysningar ikkje er tilstrekkelege, at vi modifierer vår konklusjon om årsrekneskapen og årsberetninga. Våre konklusjonar er basert på revisjonsbevis innhenta inntil datoen for revisjonsmeldinga. Etterfølgande hendingar eller forhold kan imidlertid medføre at selskapet ikkje held fram drifta.
- Evaluerer vi årsrekneskapen sin totale presentasjon, struktur og innhald inkludert tilleggsopplysningane, og kor vidt rekneskapen representerer dei underliggjande transaksjonane og hendingane på ein måte som gjev eit rettvissande bilete.

Vi kommuniserer med styret mellom anna om planlagt omfang av revisjonen og til kva tid revisjonsarbeidet skal utførast. Vi utvekslar også informasjon om forhold av betydning som vi har avdekka i løpet av revisjonen, herunder om eventuelle svakheiter av betydning i den interne kontrollen.

Uttale om øvrige lovmessige krav

Konklusjon om årsmeldinga

Basert på revisjonen vår av årsrekneskapen slik den er skildra ovanfor, meiner vi at opplysningane i årsmeldinga om årsrekneskapen og føresetnaden om at drifta skal halde fram er konsistente med årsrekneskapen og er i samsvar med lov og forskrifter.

Konklusjon med atterhald om registrering og dokumentasjon

Kundespesifikasjon i samsvar med Bokføringsforskrifta § 3-1 er ikkje framlagt for sal som er fakturert via nytt fakturasystem.

Basert på vår revisjon av årsrekneskapen som skildra ovanfor, og kontrollhandlingar vi har funne naudsynt i henhold til internasjonal standard for attestasjonsoppdrag (ISAE) 3000 «Attestasjonsoppdrag som ikke er revisjon eller forenklet revisorkontroll av historisk finansiell informasjon» meiner vi at leiinga, med unntak for tilhøve omtalt i avsnittet over, har oppfylt si plikt til å sørgje for ordentleg og oversiktleg registrering og dokumentasjon av selskapet sine rekneskapsopplysningar i samsvar med lov og god bokføringskikk i Noreg.

Konklusjon om forvaltning

Basert på vår revisjon av årsrekneskapet som skildra ovanfor, og kontrollhandlingar vi har funne naudsynt i henhold til internasjonal standard for attestasjonsoppdrag (ISAE) 3000 «Attestasjonsoppdrag som ikke er revisjon eller forenklet revisorkontroll av historisk finansiell informasjon» meiner vi at selskapet er forvalta i samsvar med lov, selskapets føremål og vedtektene for øvrig.

Isdalstø, 25. august 2021
Nordhordland Revisjon AS


Janne Eraker
Statsautorisert revisor